

Universitätsbibliothek Paderborn

**Illustrissimi Domini Simonis De Fierlant, Hispaniarum Ac
Indiarum Catholico Regi, In Hispania Ac Belgio, A Concilio
Status, Brabantiae Cancellarii, Catholico Ab Affectu
Tractatus, Quo, Clarissime ...**

Fierlant, Simon de

Coloniæ Agrippinæ

§. 1. Peccatoribus etiam non Consuetudinariis differenda est Absolutio, donec moraliter certò constet de eorum conversione interna, & sufficienti dispositione.

urn:nbn:de:hbz:466:1-37059

ET INFELIX CONCORDIA. 149

Consuetudinarius , quem articulo præcedenti absol-
vendum Trium-Viris stitimus , inani Absolutionis acci-
piendæ spe sæpè , ut vidimus , delusus , consuetudinem
peccandi denique exuit , quando eâ durante , nisi *extrema*
id postulante necessitate , absolvendum se aliquando prorsus
desperabat : adest nunc iterum hoc articulo , sed jam non ,
ut ante , Consuetudinarius , sed unus de promiscuo pec-
catorum grege , & meliori , & certâ propè spe , sacrum
Pœnitentiax tribunal subit , vulnera aperit , medicinam
orat ; an accepturus sit , videamus .

§. I.

PECCATORIBUS ETIAM NON

*Consuetudinariis differenda est Absolutio ,
donec moraliter certò constet de eorum Con-
versione interna , & sufficienti Disposi-
tione.*

HOc saltem , Trium - Viri , dogma & est vestrum ,
& vestrum , opinor , agnoscitis ; certè agnoscere de-
betis : & quam ego id sine calumnia asserere possum ,
tam vos sine fuso , ne gravius quid dicam , negare non
potestis : stant contrà vos irrefragabiles testes , libri
vestri : & moralis quidem Christiana pag. 126. tuis te
verbis , P. Aegidi , convincit : *ut Sacerdos Pœnitentem*
absol-

150 TRIUM-VIRORUM VANA

absolvat, requiritur primò, ut videat, quæ culpa præcessit: deinde, quæ sit Pænitentia secuta post culpam: tum ut absolvat illum, quem videt gratia Dei compunctum: nisi enim per opera Pænitentiae Sacerdoti CONSTET de interiori contritione pænitentis, quam in ipso operatur Deus, & per quam externis operibus indicat, eum se recipere in gratiam, non erit vera Absolutio Sacerdotis præsidentis. Moralem Christianam Moralis tui corrigere vila est, sed visa tantum; nam revera non tam sublatum errorem, quam magis involutum, nec minus veneni, sed tectius propinari, & ego in priori meo libello, & in suis scrupulis Cornelius, clare ostendimus, & ab utroque hoc nomine meritò vapulasti. Eandem mentem tuam nihilo obscurius, aliquanto etiam manifestius expressisti in iis Thesibus, quas anno 1676. Moralis tuæ veluti Apologeticas, & contrà Franciscum Simonis vindices ad S. D. N. beatæ memoriae CLEMENTEM X. Romam misisti; neandum scilicet in caput tuum Roma tonuerat, aut ad Vaticanos allisa scopulos cymba tua naufragium fecerat: hîc Thesi 2. ita doces: *in diversis Pænitentibus diversa occurrunt, quæ si PERSUADEANT Pænitentem dispositum, ita ut nihil consideratione dignum sit pro opposito, prudenter Confessarius acquiescit, & eum debite reputat dispositum.* Et quamvis reflexo intellectu hæc omnia adhuc judicet posse deficere, id non obstat MORALI CERTITUDINI, QUAM IN HAC MATERIA, SECLUSA NECESSITATE, DESIDERAMUS.

Con-



Consonat P. Ægidio symmysta ejus Macarius, nec uno in loco, sed toto passim, ubi fert occasio, examine Pentalogi. Sed D. Gummarus multò assurgit altius, & utrumque non exæquat modo, sed superat, cum tamen ob eximum suum characterem magis unus sapere, quam duo inferioris notæ Theologi, errare minus deberet: longum erit locos ejus corrardere omnes, ita enim fusè, ita operosè, ita sæpè inculcat, ut magna methodi pars ei describenda sit, qui hanc rem exhaustire penitus velit. Nos seligemus aliqua, ex quibus de reliquis fieri possit conjectura, nec pigebit aliquantò diutius inhærere; longius enim, quam, primâ fronte videatur, doctrina hæc respicit, & plus ruinæ Sacramentali formæ, quam putetur, hac parte cuniculus noster minatur; fallor, an id fortasse rationis est? cur huic parti operosius insudet.

Ipsò jam statim libri initio dicendorum deinde fundamen-
tum hoc pag. 2. Hypothesi 4. jicit: *illum, de cuius sincero
dolore vel proposito MERITO DUBITATUR, absolvere citra nece-
ssitatem nequaquam licet..... venenum latet sub his vocibus:
merito dubitatur: de quarum explicatione & nos merito
dubitaremus, nisi mentem ejus clarius expressam tractatu
2. & 3. haberemus: nam & ipse Gummarus ad eos tractatus
veluti ad geminos Hypotheseos suæ interpres Lectorem
remittit, dum ait: quæ contra hanc Hypothesim statui possent
objectiones, sub finem tractatus secundi & tertii refelluntur,
& non parum simul ELUCIDATUR hæc Hypothesis: ut adeò
irasci*

152 TRIUM-VIRORUM VANA

irasci nobis non debeat Vir eximius , si , quæ obscurius in Hypothesi loquebatur , ea ad illorum tractatum lucem , jam elucidata legamus : in hoc rei vertitur cardo , ut aptè , & ad Gummaris sensum , voculæ illæ merito dubitatur intelligantur : id agamus .

Tract. 2. pag. 197. hunc sibi , & merito , nodum objicit , si non liceat extra necessitatem absolvere Pœnitentem , de cuius dispositione DUBITATUR , numquam licebit eum absolvere , quia semper manebit tale DUBIUM , cum dispositio sit in animo Pœnitentis . Optimè , non poterat verbis clarioribus proponi objectio , ut planè contra Hypothesin quartam pugnare intelligeretur , age Gummaris , si per dubitare id intelligis , judicium suspendere ob defectum motivi in alterutram partem præponderantis , nodus Gordius non est , nec ferro regio opus est : sed tibi aliud nempe mysteriosum illud dubitare significat ; moralem nempe abesse certitudinem , & adesse prudentem formidinem ; ita enim ad dictam objectionem respondes : suffragabor facile hinc confici , quod adipisci nequeamus certitudinem omnimodam , imo nec eam , quam Physicam vocant ast quād optimè cum eo componitur CERTITUDO MORALIS . Viden' idem esse Gummaro dubitare , & abesse certitudinem moralem ? Negat semper mansurum tale dubium , quod urgebat objectio , quia non semper aberit certitudo moralis , ut supponit , non probat , responsio ; hæc ex tractatu secundo : adeamus nunc tertium , nam cum , ut vidimus , alterum suæ mentis voluit

voluit esse interpretem. Pag. 294. ita ex se ipso querit quandonam adest justa ratio DUBITANDI de pœnitentis dispositione, ut propterea à Confessario sit examinandus? &c, respondeo, inquit, tum examine opus esse, ubi neque confessio, neque confessionis modus, nec alia præstant Confessario MORALEM ILLAM CERTITUDINEM (de qua) (nota) in Hypothesi quarta quod Pœnitens ad Sacramentum cum effectu suscipiendum sit sufficienter dispositus: teneo te hic, Gummare, & ita pressè teneo, ut nusquam elabi possis; lego, relego, iterumque & iterum totam Hypothesin quartam, & singula verba exutio, nec certitudinem Moralem invenio, & de certitudine tamen Morali Hypothesin quartam agere testatur tractatus tertius, hoc est ille, per quem, ut ais, elucidatur hæc Hypothesis. Obscro hic te Lector geminos tuos oculos commoda: en tibi totam hypothesim: Non licet administrare Sacramentum dum materia est verè DUBIA, quamquam alia haberi nequeat; nisi tam irreverentiae periculum, quam alia inde secutura incommoda, justa excusat necessitas. Unde illum, de cuius sincero dolore vel proposito merito DUBITATUR, absolvere citra necessitatem nequaquam licet: sicut nulla urgente necessitate, liquore, de quo, an sit aqua, ambigitur, baptizare inhibetur. Secus dicendum, dum justa necessitas (qualis dubio procul est extrema) aliud cogit, quia V.G. alioquin absque Baptismate quispiam decessurus foret. En tibi Hypothesin totam, singulas literas, apices singulos, aut

V

me

me multum & oculi & manus fefellerunt , ex ipsa methodo fideliter descripsi , nec tamen certitudinem moralem scripsi : tu Lector , si fortasse sagacior sis , scrutare diligenterius , aut potius tu Gummare latitatem illam certitudinem moralem nobis exhibe , & è latebris suis in lucem trahe ; bene habet , Lector audi Gummorum in sua Apologia pag. 62. ubi Hypothesin quartam , quam mirum quantum depereat , suis iterum partibus integrum proponit ; tum sic explicat : *talia igitur postulo , quæ dubium de sincero dolore & proposito possint prudenti Confessario abstergere ; neque tamen volui hæc intelligi de quocumque DUBIO , sed de DUBITATIONE ejusmodi , qualem Vir prudens , ubi de alterius Conscientia agitur , in re ista considerare debet . Non est proinde , quod quisquam mihi objiciat , nos de nostra ipsorum conversione numquam habere certitudinem omnimodam , ac proinde minus habere de alterius : nam lubens fateor , non opus esse certitudine illa omnimoda : atqui , ut bene hic subdit speciminum auctor , certitudo infra omnimodam nulla est præter moralem ; hanc ergo requirit Gummatus , hanc vult dubium de sincero dolore & proposito abstergere , ut adeo Hypothesis quarta , illum , de cuius sincero dolore vel proposito merito DUBITATUR , absolvere citra necessitatem nequaquam licet , non parum per tractatum 2. & 3. imo & Apologiam elucidata in hunc denique sensum recidat ; illum , de cuius sincero dolore vel proposito NON HABETUR MORALIS CERTITUDO , absolvere citra necessitatem nequaquam licet : atque ita*

ET INFELIX CONCORDIA. 155

ita moralem certitudinem demum invenimus , quam in Hypothesi quarta diu frustra quærebamus. Nec mirum nam quis certitudinem sub verbo *dubitare latere* suspicaretur. At quæ est ista , merito dicat aliquis , involuta nimis nec sincera satis scribendi ratio ? verum quid tu his facias ? cunicularii sunt , & sub terra id hominum genus laborat ; & illud scimus vitiosas merces copiosius numquam distrahi , quam sub vesperam.

Habemus Gummari sententiam , imo & Macarii , nam præter alia quæ habet passim alibi Hypothesin illam *firmam esse* , nec ullo laborare vitio , certam & indubitatam esse regulam contendit ; audiatur : sequitur , inquit pag. 102. **FIRMANA quoque esse Hypothesim , NEC ULLO LABORARE VITIO Hypothesim non licet administrare &c. . . .** tum ubi eam totam descripsit ita prosequitur *Hypothesis illa est REGULA tradita quoque ab Eximio Domino Huyghens , & TAM CERTA ut nec in ulla (fortè illa) supra-citati Autores qui scripserunt contra Methodum aliquid reprehendendum sciverint , sed tamquam CERTAM & INDUBITATAM transferunt , adeoque illam probare supervacaneum judico.* Hæc ille , sed quod ait tam certam esse ut nec in illa supra-citati *Authores , qui scripserunt contra Methodum , aliquid reprehendendum sciverint , sed tamquam certam & indubitatam transferunt , quâ veri specie dixerit , non video; certè , ut de aliis taceam , suprà citarat Franciscum Simonis , & honestè , suo more , magnum calumniatorem vocarat , nec*

V 2

strictim

156 TRIUM-VIRORUM VANA
strictim ille tamen , aut obiter hanc Hypothesim vellicavit ; sed pag. 108. & sequentibus toto dogmate 17. eam impugnat acriter , & in originem , consecratio , scopum , suas veluti in partes minutius anatomizatam Sanctissimo D.N. suppliciter exhibit ; si hoc est nihil in illa reprehendere , & tamquam certam & indubitatem transire , me quoque inter illos otiosè transeuntes numarere poterit ; cæterum mordicus admodum Hypothesi Gummariæ adhærere cum necesse est , qui mendaciis etiam eam tuetur.

§. 2.

E X C U T I T U R D I L I G E N T I U S
Moralis illa certitudo , & quanta esse debeat ex mente D. Gummari : ubi de ineptis ejus similitudinibus.

DUriorem nobis bolum , Gummare , obtrusisti , quam ut tam cito digeratur ; & amarum post se acerbumque Christiano palato saporem relinquunt : longius enim , ut dixi , quam primâ fronte videatur , doctrina hæc respicit ; vedit id Autor speciminum , & notabilis , inquit , *hæc est doctrina , quia vix aut ne vix quidem contingit , ut possit moraliter certo constare de illa dispositione , alioqui enim sequeretur , eum , qui modo erat in statu peccati mortalis , fieri moraliter certum de sua justificatione : nam de*
po-